

Niša riječ



Događaji koji su obilježili šk.2017/2018.g...

- ❖ 4. 9. 2017.g. – obilježen Dan Zeničko – dobojskog kantona, Kurban bajram, početak nastave , prijem prvaka;
- ❖ 8. 9. 2017.g. – jednodnevni izlet na Ponikve;
- ❖ 9. mjesec 2017.g. – napravljen prilaz PŠ „Pogar“ zajedničkom akcijom OŠ „Vareš, Župnog ureda u Varešu i MZ Pogar;
- ❖ 9. mjesec 2017.g. – urađen pregled učenika 1. razreda matične i područnih škola ud strane ZIZ ZDK;
- ❖ 21. 9. 2017.g. – održana muzička radionica sa učenicima matične škole u organizaciji Udruge prijatelja glazbe „Emil Milo Cipra“ Vareš;
- ❖ 25. 9. 2017.g. – održano predavanje od strane ZIZ ZDK i sekcije Crvenog križa;
- ❖ 25. 9. 2017.g. – obilježen Međunarodni dan mira i nenasilja;
- ❖ 26. 9. 2017.g. – obilježen Međunarodni dan maternjeg jezika;
- ❖ tokom školske godine održano više predavanja, radionica i igraonica za učenike i nastavnike u organizaciji World Vision-a i PH International-a;
- ❖ 10. mjesec – manji remont kotlovnice;
- ❖ 2. 10. 2017.g. – održane kreativne radionice za nastavnike u organizaciji Caritasa Vrhbosanske nadbiskupije;
- ❖ 3. 10. 2017.g. – održane radionice za učenike o dječijim pravima i nenasilju u organizaciji TPO fondacije;
- ❖ 5. 10. 2017.g. – obilježen Dan učitelja;
- ❖ 10. mjesec 2017.g. – donacija školskog namještaja od Caritasa Vrhbosanske nadbiskupije;
- ❖ 10. 10. 2017.g. – održana konstituirajuća sjednica Vijeća učenika, predsjednik Laris Ajanović, potpredsjednik Iva Kuhar;
- ❖ 15. 10. 2017.g. – održana konstituirajuća sjednica Vijeća roditelja, predsjednik Olivera Franjić, potpredsjednik Irfan Hršumović;
- ❖ 15. 10. 2017.g. – obilježeni Dani kruha;
- ❖ 21. 10. 2017.g. – škola je bila domaćin „Karavanu mira“;
- ❖ 27. 10. 2017.g. – učenici OŠ „Vareš“ nastupili na Dječijem festivalu u Sarajevu;
- ❖ 29. 10. 2017.g. – Dr. Mladen Šutej poklonio je školi klavir;
- ❖ 19. 11. 2017.g. – članovi Informatičke sekcije i Sekcije za robotiku prisustvovali su radionici robotike u „Maloj školi“ Vareš;
- ❖ 24. 11. 2017.g. – obilježen Dan državnosti BiH;
- ❖ 25. 11. 2017.g. – učenici OŠ „Vareš“ učestvovali su u obilježavanju Dana državnosti BiH na Bobovcu;
- ❖ 12. mjesec 2017.g. – počela realizacija projekta „Utopljavanje škole“ u vrijednosti 100.000,00 KM finansiranog od strane Vlade ZDK;
- ❖ 5. 12. 2017.g. – održana priredba povodom rođenja poslanika Muhammeda a.s.;
- ❖ 6. 12. 2017.g. – u župnoj crkvi održana priredba povodom Svetog Nikole i podijeljeni paketići;
- ❖ 12. mjesec 2017.g. – održan Šahovski turnir;
- ❖ 19. 12. 2017.g. Udruženje djece s posebnim potrebama „Dlan“ prikazalo film učenicima naše škole;
- ❖ 20. 12. 2017.g. – učenici naše škole učestvovali sa svojim radovima na „Prazničnom bazaru“;
- ❖ 21. 12. 2017.g. – održana Božićna i novogodišnja priredba;
- ❖ 21. 12. 2017.g. – Caritas Vrhbosanske nadbiskupije održao radionicu sa našim učenicima i podijelio paketiće učenicima od 1. do 6. razreda;
- ❖ 22. 12. 2017.g. – HVIDR-a Vareš podijelila paketiće učenicima 1. razreda matične i područnih škola;
- ❖ 17. 1. 2018.g. – 120 učenika i 15 nastavnika naše škole išlo na klizanje u Visoko u organizaciji Općine Vareš;
- ❖ 6. 2. 2018.g. – posjeta reportera „Školegijuma“ PŠ „Očevija“;
- ❖ 2. mjesec 2018.g. – humanitarna akcija za učenicu Aidu Kovačević;
- ❖ 13. 2. 2018.g. – održana pokladna povorka;
- ❖ 21. 2. 2018.g. – obilježen Svjetski dan borbe protiv vršnjačkog nasilja;
- ❖ 28. 2. 2018.g. – obilježen Dan nezavisnosti BiH;
- ❖ 3. 3. 2018.g. – održano Općinsko takmičenje iz matematike;
- ❖ 7. 3. 2018.g. – održano Općinsko takmičenje iz islamske vjeronauke;
- ❖ 7. 3. 2018.g. – škola je bila domaćin audicije za Radijski festival u Žepču;
- ❖ 8. 3. 2018.g. – obilježen Dan žena;
- ❖ 10. 3. 2018.g. – održano Općinsko takmičenje iz fizike;
- ❖ 15. 3. 2018.g. – prezentirani radovi učenika OŠ „Vareš“ i OŠ „Vareš Majdan“ u okviru „Projekta građanin“ iz predmeta građansko obrazovanje;
- ❖ 4. mjesec-opremanje kabineta Informatike donacijom BH Telecom-a (7 000KM) i vlastitim sredstvima (1 500KM);
- ❖ 11.04.2018.g.-održano takmičenje „Poligon“ za učenike nižih razreda;
- ❖ 23.04.2018.g.-pod pokroviteljstvom općinskog načelnika gosp.Zdravka Maroševića realizovan odlazak na pozorišnu predstavu učenika nižih razreda u Pozorište mladih u Sarajevu;
- ❖ 09.05.2018.g.-obilježen Dan škole

UZ POMOĆ MAŠTE IZ NAŠE BAŠTE

ZA NOVO JUTRO, BOSNO I HERCEGOVINO

Draga domovino,
moja lijepa kućo,
želim da lijepa ostaneš.

Volio bih
kad bi se neke stvari
promijenile.

Volio bih kad bi se moja braća
vratila u moju domovinu.

Ne moramo biti u istom gradu
Ali, dovoljno je da budemo
bliže!

Volim te, domovino!
Nikica Riđić, V.1



OCJENE

Ocjena raznih stvarno ima,
Ali nije baš da svaka učenicima štima
Kad dobiješ pet, ti od sreće pućaš
To znači da na času slušaš

Kad dobiješ četiri, ti bi radije pet
To znači da si na času odlutao u svoj svijet
Kad dobiješ tri, tuga te obuzme znana
To znači da se na času šaputala tajna

Kad dobiješ dva, ma hoćeš da pukneš
To znači da si na času radije da nekom ruksak
lupneš
Kad dobiješ jedan, već plivaš u suzama
To znači da si na času, mislio o svojim igrama.

Sad dobro ti pazi da učiš
Pa nećeš u školi da se mučiš!

Rijad Džafo VIa



BAMBLBI

Moj medo smeđ kao čokolada,
Ima stomak mekan kao
marmelada.
Kad se kupa obješen je za uši,
Meni ga je žao da se tako suši.

Bamblbi njegovo je ime,
Ja se jako ponosim njime.
Znam da godine ludo lete,
Ali s njim se još osjećam kao
dijete.

Život s njim nije tužan,
Nikad mi nije ostao zagrljaj
dužan.
On je uvijek prema meni fer,
Moja mala, mekana, plišana
zvižer.

Tamara Bošnjak IX.1.



ŠKOLA

Osnovna škola "Vareš" - škola je
prava!
Toliko je dobra da bi ugostila i mrava.
Zato je red rođendan joj čestitati,
A za njenu zabavu valcer naučiti
plesati.
Draga školo, na znanju ti hvala,
I na preprekama koje si dala.
Htjela si samo da nešto naučim,
A i da se malo namučim.
Nisi samo meni, već i svima,
Onim tvojim dragima.
Tebe ne treba uništavati,
Niti na tvom zidu grafite raditi.
Svako ko to radi kaznu će zaslužiti,
A i nju će odslužiti.
Još samo jednom hvala
Na svemu što si mi dala!
Ruku prijateljstva si mi pružila,
Zbog toga si mi draga i mila.
Sretan rođendan, školice moja!
Ajna Zukan, IVa

★★★★★★★★★★

PROLJEĆE

Ispod snježnog pokrivača
izvirila mala glavica
prvog vijesnika proljeća,
to je glavica žutog jaglaca.

Svi su radosni i veseli
u susret idu dragom gostu.
Đaci svoje ruke otvorili
raduju se cvijetnom mostu.

Dobro došlo, proljeće!
Dobro došlo, cvijeće
Sunce, obasjaj naše lice
svi izađimo na ulice!

Ena Kohut, IIIa

PJESMA MAJKAMA

Ova je pjesma za
mamine ruke
koje su me podizale
s mnogo muke.

Ova pjesma je za
mamine oči
što su za me bdjele
noći i noći.

Mamin osmijeh
srce mi grije
najsretnija ja sam
kad se mati smije.

Neka se raduje,
o neka se smije,
neka uvijek bude dosta
smijeha za nas dvije.

Džejna Džido, Va

★★★★★★★★★★

Ponos naše škole

Općinsko takmičenje iz matematike

VI razred

- 2.mjesto Džafo Rijad
- 3. mjesto Sarajlić Zerina

VII razred

- 2. mjesto Likić Bilal
- 3. mjesto Osmanović Lamija

VIII razred

- 2. mjesto Džafo Iman
- 3. mjesto Ahmedović Emina

IX razred

- 1. mjesto Matić Andrej
- 2.mjesto Ajanović Laris
- 3.mjesto Šimić Mihael



Šahovski turnir

- 1. mjesto Franjić Dejan
- 2. mjesto Jelić Oliver
- 3. mjesto Franjić Luka



Pobjednici školskog takmičenja u košarci:

Djevojčice: VIa, VIIa, VIIa, VIIIa i IXa

Dječaci: VI.1, VII.1, VIII.1 i IX.1



Na Kantonalnom takmičenju iz

Informatike naš učenik

Mutić Mihael VIII.1,

je osvojio **1.mjesto.**



Na školskom sportskom takmičenju za niže razrede „Poligon“ učenici su

postigli sljedeće rezultate:

II i III razred

1.mjesto IIIa,

2.mjesto II 1

IV i V razred

1.mjesto V.1

2.mjesto IV1



Općinsko takmičenje iz fizike

VIII. razred

1.mjesto Ahmedović Emina

3.mjesto Džafo Iman

IX. razred

2.mjesto Burek Emina

3.mjesto Ajanović Laris



Općinsko takmičenje iz islamske vjeronauke

VIII razred

2. mjesto Džafo Iman

IX razred

1.mjesto Hadžikić Nejla



Pobjednici školskog takmičenja iz poznavanja

propisa i pravila u saobraćaju:

1. mjesto Sarajlić Zerina

2.mjesto Mešić Ensar

3.mjesto Franjić David



Muzička/glazbena škola



Nakon šest godina, otkad je otvorena Muzička/glazbena škola u sklopu Osnovne škole "Vareš" u Varešu, približavamo se zaokruženju prvog ciklusa, prvoj generaciji koja će završiti svoje šestogodišnje školovanje u školskoj 2017/2018. godini. Školu danas pohađa 65 učenika, a ove godine završava osam učenica/ika, pod budnim okom sedam nastavnica/ika (Ilma Čerim, Miron Konjević, Edina Kordić, Harun Zulić, Sanjin Babović, Jasmina Hodžić, Erna Telalović). Svake godine učenice/ici postaju bolji, profesionalniji, ali i angažovaniji učešćem na koncertima.

Ove godine školsku godinu obilježilo je šest koncerata. Prva dva koncerta (19. i 24. septembra 2017.) održana su u sklopu **festivala VACLAF 2017.**, gdje su najbolji učenici pokazali svoje umijeće kako na koncertima, tako i na masterclassu održanom s vrhunskim pianistima iz Beča. Nakon VACLAF-a nizali su se koncerti učenika, koji su se organizovali kako bi učenici pokazali postignute rezultate tokom prvog i drugog polugodišta:

- 02. novembra 2017.
- 20. decembra 2017.
- 27. februara 2018.
- 24. aprila 2018.

Na kraju želimo spomenuti prvu generaciju učenika koji će ozvaničiti svoje školovanje


- diplomom, to su:
- Andrej Matić;
- Dženita Alajmović;
- Emilio Mutić;
- Emina Burek;
- Faris Gerin;
- Mihael Šimić;
- Tamara Bošnjak i
- Una Berberović.

Svima želimo mnogo sreće u daljnjem školovanju, i da im znanje koje su ponijeli iz muzičke/glazbene škole oplemeni dušu, te učini život boljim i interesantnijim.

Neka lijepa muzika bude dio Vašeg života, neka vas učini boljim ljudima!




Ove školske godine u penziju/mirovinu smo ispratili drage kolegice...



MANDIĆ ALMA rođena je 22. 8. 1954. godine u Gradcu (Hrvatska). Život provodi u Varešu gdje je završila Osnovnu školu „ Moša Pijade“ u Vareš Majdanu i Gimnaziju „ Ivan Goran Kovačić“ u Varešu. Pedagošku akademiju, smjer kemija i ekonomika domaćinstva, je završila u Sarajevu 1975. godine.

Svoj radni vijek posvetila je odgoju i obrazovanju. Radila je u OŠ „Dabravine“ u Dabrinama, OŠ „ Moša Pijade“ u Vareš Majdanu i OŠ „Vladimir Nazor“ u Varešu. Izbjegličke dane za vrijeme rata u BiH provodi u Kreševu gdje radi kao učitelj razredne nastave. Poratne dane radi u OŠ „ Fra Filip Lastrić“ na Pržićima. Zadnjih 17 godina svog radnog vijeka radi u OŠ „Vareš“ u Varešu kao ravnateljica , pomoćnik ravnatelja i nastavnik kemije i kulture življenja. U svaki kutak naše škole utkan je potpis gospođe Alme kao dijela menadžmenta koji je nizom realiziranih projekata uspio školu kao objekat i samu nastavu u istoj podići na razinu dostojnu prvaka.



JAGANJAC FATIMA rođena je 31. 8. 1952. godine u Varešu.

Život provodi u Varešu gdje osnovala i porodicu. Radila je kao radnica na održavanju

čistoće u Općini Vareš, SIZ-u za zapošljavanje Vareš, Dječijem obdaništu "Danica Pavlić" Vareš, te u Osnovnoj školi „Vareš“

Generacije učenika i radnih kolega našu Fatu će pamtit i po lijepoj riječi i osmijehu na licu za svakoga.

Ovo su vrijedne ruke, ovo su mudre glave...

INA LIKIĆ

Sportska nada Zeničko-dobojskog kantona za 2017. godinu



Učenica VIa razreda naše škole, **Ina Likić**, već nekoliko godina bilježi značajne rezultate na takmičenjima u alpskom skijanju.

Kao članica Skijaškog kluba "Ilidža" ove godine je na međunarodnim takmičenjima osvojila značajan broj medalja.

Proglašena je jednom od najperspektivnijih sportista ZDK za 2017.g.

Vrijedno je istaći da je Ina odlična učenica i redovne i muzičke škole.



Na centralnoj manifestaciji obilježavanja Dana državnosti BiH koja je održana 25.11.2017.g. na Bobovcu lijepu stranu naših vannastavnih aktivnosti pokazali su članovi **Folklorne i Tamburaške** sekcije naše škole.



Rock bend i Tamburaška sekcija bili su učesnici velikog broja manifestacija od kojih su značajne:

Dječiji sajam u Skenderiji i Radijski festival u Žepču, a spremaju se za Rock festival na Vranduku.

Pupoljci u šk. 2017/2018.g.

MATIČNA ŠKOLA



I.1



Područna škola "Dragovići"



Ia



Područna škola „Ligatići“

Iz školskog ljetopisa...



KARAVAN MIRA, PRIJATELJSTVA I LJUBAVI U OŠ "VAREŠ"

Karavan mira, prijateljstva ljubavi, sloge i volonterizma koji organizira Udruženje djece sa posebnim potrebama NADA Rudo, u sklopu projekta „Interkulturalni kamp Rudo - Strgačina“, stigao je 21. 10. 2017. godine u Vareš gdje su učesnike Karavana dočekali i dobrodošlicu poželjeli učenici i djelatnici OŠ „Vareš“.

Karavan je brojao 55 učesnika iz 11 škola (po jedan nastavnik i dva učenika) i 4 člana Udruženja djece sa posebnim potrebama (djeca i njihovi roditelji) sa prostora Bosne i Hercegovine.

U realiziranju ove aktivnosti, tokom same pripreme i organizacije dočeka učesnika karavana OŠ „Vareš“ imala je pomoć Policijske stanice Vareš u osiguranju učesnika i pratnji autobusa. Poklon paketiće za djecu i osvježenje za odrasle osigurao je općinski načelnik, gospodin Zdravko Marošević.

U školi za učesnike karavana, prigodan program su pripremili glazbeni sastavi sa nastavnicima Igorom Hingerom i Sanjinom Babovićem i folklorna sekcija koju vodi nastavnica Amra Smajbegović. Uz igru i pjesmu učenici i djelatnici škole sat i pol vremena su se družili sa učesnicima karavana koji su nakon kratke šetnje kroz Vareš nastavili put prema sportsko-rekreativnom centru Aidinović.

IZVJEŠĆE SA KLIZANJA U VISOKOM

Dana 18. siječnja 2018. godine, dio učenika naše škole išao je na klizanje u Visoko. Klizanje je za nas organizirao općinski načelnik, gospodin Zdravko Marošević, koji je snosio sve troškove. U pratnji s nama išle su i naše učiteljice i nastavnici, kao i ravnatelj naše škole.

Klizali smo se, upadali, zabavljali...bila je to parada smijeha. Učiteljice nisu smjele klizati, ali bilo je i nekoliko hrabrih koje su probale.

U Visokom smo posjetili tržni centar u kojem je, na našu sreću, bila i igraonica.

Sretno smo se vratili kući.

Hvala gospodinu načelniku i našim učiteljima koji su nam omogućili ovo iskustvo.

Malbašić Viktor, IV.1



ROCK BEND NA 10. RADIO FESTIVALU U ŽEPČU




Poruke za kraj...

Temelj svake države je obrazovanje mladih.

Diogen

Tko misli godinu dana unaprijed, sadi pšenicu.
Tko misli 10 godina unaprijed, sadi voćnjak.
Tko misli 100 godina unaprijed, **obrazuje djecu!**



**Redakcija: učenici novinarskih sekcija,
nastavnice Marijančević Ivona i Librić Sabina.**

**Likovni nadoyi: Ahmedović Emina, Džafo Iman,
Gogić Alanis, Pejčinović Dominik, Čabrajić Jan, Hrvat Amila, Jozeljčić Boris, Operta Harun.**

Vareš, maj/svibanj 2018.g.